

PM lawat zon dagang bebas Sri Lanka

COLOMBO, Sabtu — Datuk Seri Dr Mahathir Mohamad dan ahli-ahli perwakilannya sektor swasta Malaysia hari ini melawat zon perdagangan bebas Pusat Penggalakkan Pelaburan Katunayake, 28 km ke utara bandaraya ini.

Kawasan perdagangan bebas di kawasan 160 hektar itu dikendalikan oleh Suruhanjaya Ekonomi Colombo.

Ketibaan Perdana Menteri disambut oleh Ketua Pengarah Suruhanjaya, Encik Paul Perera, dan kemudian melawat empat buah kilang — satu dari pelaburan Jepun, Norway dan Hong Kong dan sebuah lagi usahasama antara Sri Lanka dengan Korea.

Zon itu ditubuhkan kira-kira lima tahun lalu dan kini memberi peluang pekerjaan kepada 28,000 orang. Sehingga ini, 63 daripada 92 projek yang didaftarkan telah dilaksanakan. Hasil pertukaran asing kawasan bebas itu tahun lalu ialah 436.8 juta rupa.

Rombongan sektor swasta itu kemudian diberi taklimat mengenai galakan-galakan yang ditawarkan, antaranya termasuk pemotongan cukai 10 tahun, tiada sekatan hasil pertukaran asing dan tenaga buruh hanya \$2 sehari.

Di samping itu, tidak ada sekatan dikenakan

Dari AZIZ HASSAN

bagi import bahan-bahan mentah tetapi para usahawan diberi beberapa faedah jika menggunakan bahan mentah tempatan.

Kira-kira 20 buah negara telah pun menyertai zon perdagangan bebas itu dan antara negara Asia dan Pasifik termasuk Singapura, India, Hong Kong, Negeri Thai, Taiwan, Fiji dan Australia.

ia.

Dalam perbincangan mereka setibanya Perdana Menteri di sini kelmarin, Datuk Seri Dr Mahathir dan Presiden J.R. Jayewardene mengukuhkan perlunya ditingkatkan hubungan ekonomi dan teknikal antara Malaysia dengan Sri Lanka.

Dua pemimpin bersejajar meneroka bidang-bidang lebih luas bagi me-

wujudkan rangka kerjasama.

Sekembalinya ke Colombo, Perdana Menteri mengadakan satu temuramah khas radio dan televisyen kepada Perbadanan Penyiaran Sri Lanka dan menghadiri majlis jamuan yang diberikan oleh Datuk Bandar Colombo.

Rombongan Perdana Menteri berlepas ke Maldives pagi esok, iaitu peringkat akhir lawatannya ke tiga negara termasuk Bangladesh.

Bahan asal dari Arkib
Negara Malaysia